



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 53. Epistolæ aliæ Synodales.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

pi huic Sententiæ signum apposuere. In Sæculum V.
hunc modum Sessio quinta finita. A. C. 431.

§. LIII.

Epistolæ Synodales alicæ.

Concilium ad Imperatores Epistolam dedit, & hanc causam retulit. *Conc. Ephes. p. 656.* Dicunt, triginta Episcopos, Nestorii clientes, quod puniri ob sua delicta timerent, ausos, agere separatim conventum, & sibi ipsis Concilii Nomen tribuere; facti Ducem se præbuisse Joannem Antiochenum, moræ, mandatis Imperatorum injectæ, timide consciunt. *Isti igitur, dicit Epistola: Sententiam Depositionis adversus Cyrillum, Concilii Caput, & Memnonem, conculcatis legibus Ecclesiæ, nemine accusante, reis non citatis, nullo examine præcedente, pronuntiarunt. Hominum temeritatem sprevissemus, nisi, malum! suas calumnias usque ad Majestatis vestræ Thronum detulissent. Itaque, quod Canones postulant, fecimus; libellos Cyrilli, & Memnonis accepimus, Joannem Antiochenum etiam tertio citavimus, ipse autem domum suam militibus, armisque custodivit, Legatos a Concilio non recepit, nequidem respondere dignatus. His ita se habentibus, omnia, contra Cyrillum, & Memnonem facta, ediximus nulla, Rebelles excommunicavimus, donec Concilio se sistant, & causam suam defendant.*

L 2

Hæc

Sæculum V.
A.C. 431.

Epistolæ
Concilii.

Hæc ad vos referendi necessitas nobis injuncta est, ne Rebellium conjuratio pro legitimo Concilio habeatur! Simile aliquid tempore Concilii Nicæni contigit non nulli Episcopi a toto corpore recesserunt, at magnus, & sanctus Constantinus non solum paucos homines Concilium constituere non posse, judicavit, sed etiam datam Schismati causam puniri jussit. Et profecto! quid a sana ratione magis abhorreat, quam quod Episcopi triginta Concilio opponere se audeant ducentorum, & decem Episcoporum, quorum sententiam omnes Occidentis, & cum ipsis totius orbis terrarum Episcopi suis suffragiis confirmarunt? at rursus ex his triginta viris aliqui a multo tempore depositi sunt, alii Celestii erroribus imbuti, alii, quod Nestorii opinionem teneant, anathematizati. Jubete igitur, ut, quod in Concilio Universali contra Nestorii impietatem decisum, vestro consensu accedente ratum, firmumque permaneat.

Conc. Ephes. p. 660. Concilium, data etiam ad Papam S. Cœlestinum, Epistola, omnia, quæ acta fuerant, retulit. Recensetur Actorum contra Nestorium initium, ejus Depositiō, Joannis Antiocheni temeritas, & secuta, præsentibus Sacræ Sedis Legatis, condemnatio. Addunt Patres: *Quod Fratres nostros Cyrillum, & Memnonem contingit, cum ipsis etiam post istam accusatiōnem*

p. 665.

nem communicamus, & in eorum commu- Sæculum V.
A. C. 431.
nitione Liturgiam & Synaxes celebramus.

Si enim patiamur, ut quicumque voluerint, maximas Sedes, & Episcopos, in quos nullam habent jurisdictionem, impune lacerant, pessimo loco Res Ecclesiæ stabunt. Et deinde: Postquam in Concilio lecta sunt Acta Depositionis impiorum virorum, Pelagianorum, & Celestinorum, Celestii, Pelagii, Juliani, Persidis, Flori, Marcellini, Orontii & sodalium eorum, decrevimus, ut sententia Tuæ Sanctitatis contra eos lata firma consistat; omnes unius mentis sumus, & pro depositis eos habemus. Ut magis accurate de omnibus edocearis, Acta, & Subscriptiones Concilii ad te mittimus. Ita Concilium Ephesinum Pelagianos damnavit, & latum contra eos Papæ Judicium confirmavit. (*)

Sub id tempus S. Cyrillus pro Concione dixit, & fortiter contra Joannem Antiochenum peroravit, conquerens, quod ille, cum sibi operam jungere ad oppugnandam Hæresin opportuisset, factus esset Hæreticorum fautor, & veritatis Defensores invalisset.

Conc. Ephes.
p. 668.
Julio.

L 3 §. LIV.

(*) Concilii Ephesini, quod, ut bene notat Anonymus I., palam edixerat, se condemnare Nestorium, ut Papæ S. Cælestini Decreta exqueretur, certissime mens non fuit, ejusdem Papæ judicium contra Pelagianos eo in sensu, ac si Auctoritate superiore polleret, confirmare.